

中阿含經



二百六十一
夙二

49363



中阿含經卷第十二

東晉罽賓三藏瞿曇僧伽提婆 誦

夙

王相應品

初一日誦

鞞婆麗陵耆經第六

我聞如是一時佛遊拘薩羅國今時世尊與

夫比丘眾俱行道中路欣然巧笑尊者阿難

見世尊笑叉手向佛白曰世尊何因緣笑諸

佛如來無所著等正覺若無因緣終不妄笑

願聞其意彼時世尊告曰阿難此處所中迦

葉如來無所著等正覺在此處坐為弟子說

法於是尊者阿難即在彼處速疾敷座叉手

向佛白曰世尊唯願世尊亦坐此處為弟子



說法如是此處爲二如來無所著等正覺所
行介時世尊便於彼處坐尊者阿難所敷之
座坐已告曰阿難此處所中迦葉如來無所
著等正覺有講堂迦葉如來無所著等正覺
於中坐已爲弟子說法阿難此處所中昔有
村邑名鞞婆陵昔有大豐樂多有人民阿難
鞞婆陵者村邑之中有梵志大長者名曰無
恚極大富樂資財無量畜收產業不可稱計
封戶食邑種種具足阿難梵志大長者無恚
有子名優多羅摩納爲父母所舉受生清淨
乃至七世父母不絕種族生生無惡博聞摠
持誦過四典經深達因緣正文戲五句說阿

難優多羅童子有善朋友名難提波羅陶師
常爲優多羅童子之所愛念喜見無厭阿難
難提波羅陶師歸佛歸法歸比丘衆不疑三
尊不惑苦習滅道得信持戒博聞惠施成就
智慧離殺斷殺棄捨刀杖有慙有愧有慈悲
心饒益財物至親至友彼於殺生淨除其心

阿難難提波羅陶師離不與取斷不與取與
之乃取樂於與取常好布施歡喜無恪不望
其報彼於不與取淨除其心阿難難提波羅
陶師離非梵行斷非梵行勤修梵行精勤妙
行清淨無穢離欲斷淫彼於非梵行淨除其
心阿難難提波羅陶師離妄言斷妄言眞諦

言樂真諦住真諦不移動一切可信不欺世
間彼於妄言淨除其心阿難難提波羅陶師
離兩舌斷兩舌行不兩舌不破壞他不聞此
語彼欲破壞此不聞彼語此欲破壞彼離者
欲合合者歡喜不作群黨不樂群黨不稱群
黨彼於兩舌淨除其心阿難難提波羅陶師

離麤言斷麤言若有所言辭氣麤獷惡聲逆
耳衆所不喜衆所不愛使他苦惱令不得定
斷如是言若有所說清和柔潤順耳入心可
喜可愛使他安樂言聲具了不使人畏令他
得定說如是言彼於麤言淨除其心阿難難
提波羅陶師離綺語斷綺語時說真說法說

義說止息說樂止息說事順時得宜善教善
訶彼於綺語淨除其心阿難難提波羅陶師
離治生斷治生棄捨稱量及斗斛棄捨受貨
不縛束人不望折斗量不以小利侵欺於人
彼於治生淨除其心阿難難提波羅陶師離
受寡婦童女斷受寡婦童女彼於受寡婦童
女淨除其心阿難難提波羅陶師離受奴婢
斷受奴婢彼於受奴婢淨除其心阿難難提
波羅陶師離受魚馬牛羊斷受魚馬牛羊彼
於受魚馬牛羊淨除其心阿難難提波羅陶
師離受雞猪斷受雞猪彼於受雞猪淨除其
心阿難難提波羅陶師離受田業店肆斷受

田業店肆彼於受田業店肆淨除其心阿難
難提波羅陶師離受生稻麥豆斷受生稻麥
豆彼於受生稻麥豆淨除其心阿難難提波
羅陶師離酒斷酒彼於飲酒淨除其心阿難
難提波羅陶師離高廣大牀斷高廣大牀彼
於高廣大牀淨除其心阿難難提波羅陶師
離華鬘瓔珞塗香脂粉斷華鬘瓔珞塗香脂
粉彼於華鬘瓔珞塗香脂粉淨除其心阿難
難提波羅陶師離歌舞倡妓及往觀聽斷歌
舞倡妓及往觀聽彼於歌舞倡妓及往觀聽
淨除其心阿難難提波羅陶師離受生色像
寶斷受生色像寶淨除其心

阿難難提波羅陶師離過中食斷過中食常
一食不夜食學時食彼於過中食淨除其心
阿難難提波羅陶師盡形壽手離鑿鋏不自
掘地亦不教他若水岸崩土及鼠場土取用
作器舉著一面語買者曰汝等若有豌豆稻
麥大小麻豆稗豆芥子寫已持器去隨意所
欲阿難難提波羅陶師盡形壽供侍父母父
母無目唯仰於人是故供侍阿難難提波羅
陶師過夜平旦往詣迦葉如來無所著等正
覺所到已作禮却坐一面迦葉如來無所著
等正覺爲彼說法勸發渴仰成就歡喜無量
方便爲彼說法勸發渴仰成就歡喜已嘿然

而住阿難於是難提波羅陶師迦葉如來無所著等正覺爲其說法勸發渴仰成就歡喜已即從坐起禮迦葉如來無所著等正覺已遶三帀而去

今時優多羅童子乘白馬車與五百童子俱過夜平旦從鞞婆陵耆村邑出往至一無事

處欲教若干國來諸弟子等令讀梵志書於是優多羅童子遙見難提波羅陶師來見已便問難提波羅汝從何來難提波羅荅曰我今從迦葉如來無所著等正覺所供養禮事來優多羅汝可共我往詣迦葉如來無所著等正覺所供養禮事於是優多羅童子荅曰

難提波羅我不欲見禿頭沙門禿沙門不應
得道道難得故於是難提波羅陶師捉優多
羅童子頭髮牽令下車於是優多羅童子便
作是念此難提波羅陶師常不調戲不狂不
癡今捉我頭髮必當有以念已語曰難提波
羅我隨汝去我隨汝去難提波羅喜復語曰
去者甚善於是難提波羅陶師與優多羅童
子共往詣迦葉如來無所著等正覺所到已
作禮却坐一面難提波羅陶師白迦葉如來
無所著等正覺曰世尊此優多羅童子是我
朋友彼常見愛常喜見我無有厭足彼於世
尊無信敬心唯願世尊善爲說法令彼歡喜

得信敬心於是迦葉如來無所著等正覺爲
難提波羅陶師及優多羅童子說法勸發渴
仰成就歡喜無量方便爲彼說法勸發渴仰
成就歡喜已默然而住於是難提波羅陶師
及優多羅童子迦葉如來無所著等正覺爲
其說法勸發渴仰成就歡喜已即從坐起禮
迦葉如來無所著等正覺足遶三匝而去於
是優多羅童子還去不遠問曰難提波羅汝
從迦葉如來無所著等正覺得聞如是微妙
之法何意住家不能捨離學聖道耶於是難
提波羅陶師荅曰優多羅汝自知我盡形壽
供養父母父母無目唯仰於人我以供養待

父母故於是優多羅童子問難提波羅我可
得從迦葉如來無所著等正覺出家學道受
於具足得作比丘行梵行耶於是難提波羅
陶師及優多羅童子即從彼處復往詣迦葉
如來無所著等正覺所到已作禮却坐一面
難提波羅陶師曰迦葉如來無所著等正覺
曰世尊此優多羅童子還去不遠而問我言
難提波羅汝從迦葉如來無所著等正覺得
聞如是微妙之法何意住家不能捨離學聖
道耶世尊我答彼曰優多羅汝自知我盡形
壽供養父母父母無目唯仰於人我以供養
待父母故優多羅復問我曰難提波羅我可

得從迦葉如來無所著等正覺出家學道受
於具足得作比丘行梵行耶願世尊度彼出
家學道授與具足得作比丘迦葉如來無所
著等正覺爲難提波羅嘿然而受於是難提
波羅陶師知迦葉如來無所著等正覺嘿然
受已即從坐起瞽首作禮遶三匝而去於是
迦葉如來無所著等正覺難提波羅去後不
久度優多羅童子出家學道授與具足出家
學道授與具足已於鞞婆陵耆村邑隨住數
日攝持衣鉢與大比丘衆俱共遊行欲至波
羅捺迦私國邑展轉遊行便到波羅捺迦私
國邑遊波羅捺住仙人處鹿野園中於是頻

鞞王聞迦葉如來無所著等正覺遊行迦私
國與大比丘衆俱到此波羅捺住仙人處鹿
野園中頻鞞王聞已告御者曰汝可嚴駕我
今欲往詣迦葉如來無所著等正覺所時彼
御者受王教已即便嚴駕嚴駕已訖還白王
曰已嚴好車適天王意於是頻鞞王乘好車
已從波羅捺出往詣仙人住處鹿野園中時
頻鞞王遙見樹間迦葉如來無所著等正覺
端正姝好猶星中月光曜晔晔晃若金山相
好具足威神巍巍諸根寂定無有蔽礙成就
調御息心靜嘿見已下車步詣迦葉如來無
所著等正覺所到已作禮却坐一面頻鞞王

坐一面已迦葉如來無所著等正覺為彼說
法勸發渴仰成就歡喜無量方便為彼說法
勸發渴仰成就歡喜已嘿然而住於是頻鞞
王迦葉如來無所著等正覺為其說法勸發
渴仰成就歡喜已即從坐起偏袒著衣叉手
而向白迦葉如來無所著等正覺曰唯願世
尊明受我請及此血衆迦葉如來無所著等
正覺為頻鞞王嘿然受請於是頻鞞王知迦
葉如來無所著等正覺嘿然受已稽首作禮
遶三匝而去還歸其家於夜施設極美淨妙
種種豐饒食噉含消即於其夜供辦已訖平
旦敷牀唱曰世尊今時已到食具已辦唯願

世尊以時臨顧於是迦葉如來無所著等正
覺過夜平旦著衣持鉢諸比丘衆侍從世尊
往詣頻鞞王家在比丘衆上敷座而坐於是
頻鞞王見佛及比丘衆坐已自行澡水以極
美淨妙種種豐饒食噉含消手自斟酌令得
飽滿食訖收器行澡水竟敷一小牀別坐聽
法頻鞞王坐已迦葉如來無所著等正覺爲
彼說法勸發渴仰成就歡喜無量方便爲彼
說法勸發渴仰成就歡喜已嘿然而住於是
頻鞞王迦葉如來無所著等正覺爲其說法
勸發渴仰成就歡喜已即從坐起備袒著衣
叉手而向白迦葉如來無所著等正覺曰唯

願世尊於此波羅捺受我夏坐及比丘衆我
爲世尊作五百房五百牀褥及施拘執如此
白粳米王之所食種種諸味飯供世尊及比
丘衆迦葉如來無所著等正覺告頻鞞王曰
止止大王但心喜足頻鞞王如是至再三叉
手而向白迦葉如來無所著等正覺曰唯願
世尊於此波羅捺受我夏坐及比丘衆我爲
世尊作五百房五百牀褥及施拘執如此白
粳米王之所食種種諸味飯供世尊及比丘
衆迦葉如來無所著等正覺亦再三告頻鞞
王曰止止大王但心喜足於是頻鞞王不忍
不欲心大憂感迦葉如來無所著等正覺不

能爲我於此波羅捺而受夏坐及比丘衆作
是念已頻鞞王白迦葉如來無所著等正覺
曰世尊頗更有在家白衣奉事世尊如我者
耶迦葉如來無所著等正覺告頻鞞王曰有
在王境界鞞婆陵耆村極大豐樂多有人民
大王彼鞞婆陵耆村中有難提波羅陶師大
王難提波羅陶師歸佛歸法歸比丘衆不疑
三尊不惑苦習滅道得信持戒博聞惠施成
就智慧離殺斷殺棄捨刀杖有慙有愧有慈
悲心饒益一切乃至昆虫彼於殺生淨除其
心大王難提波羅陶師離不與取斷不與取
與之乃取樂於與取常好布施歡喜無悋不

望其報彼於不與取淨除其心大王難提波
羅陶師離非梵行斷非梵行勤修梵行精勤
妙行清淨無穢離欲斷婬彼於非梵行淨除
其心大王難提波羅陶師離妄言斷妄言真
諦言樂真諦住真諦不移動一切可信不欺
此間彼於妄言淨除其心大王難提波羅陶

師離兩舌斷兩舌行不兩舌不破壞他不聞
此語彼欲破壞此不聞彼語此欲破壞彼離
者欲合合者歡喜不作群黨不樂群黨不稱
群黨彼於兩舌淨除其心大王難提波羅陶
師離麤言斷麤言若有所言辭氣麤獷惡聲
逆耳衆所不喜衆所不愛使他苦惱令不得

定斷如是言若有所說清和柔潤順耳入心
可喜可愛使他安樂言聲具了不使人畏令
他得定說如是言彼於鹿言淨除其心大王
難提波羅陶師離綺語斷綺語時說真說法
說義說止息說樂止息說事順得時宜善教
善訶彼於綺語淨除其心大王難提波羅陶
師離治生斷治生棄捨稱量及斗斛亦不受
貨不縛束人不望折斗量不以小利侵欺於
人彼於治生淨除其心大王難提波羅陶師
離受寡婦童女斷受寡婦童女彼於受寡婦
童女淨除其心大王難提波羅陶師離受奴
婢斷受奴婢彼於受奴婢淨除其心大王難

提波羅陶師離受鳥馬牛羊斷受鳥馬牛羊
彼於受鳥馬牛羊淨除其心大王難提波羅
陶師離受雞猪斷受雞猪彼於受雞猪淨除
其心大王難提波羅陶師離受田業店肆斷
受田業店肆彼於受田業店肆淨除其心大
王難提波羅陶師離受生稻麦豆斷受生稻
麦豆彼於受生稻麦豆淨除其心大王難提
波羅陶師離酒斷酒彼於飲酒淨除其心大
王難提波羅陶師離高廣大牀斷高廣大牀
彼於高廣大牀淨除其心大王難提波羅陶
師離華鬘瓔珞塗香脂粉斷華鬘瓔珞塗香
脂粉彼於華鬘瓔珞塗香脂粉淨除其心大

王難提波羅陶師離歌舞倡妓及往觀聽斷
歌舞倡妓及往觀聽彼於歌舞倡妓及往觀
聽淨除其心大王難提波羅陶師離受生色像
寶斷受生色像寶彼於受生色像寶淨除其心大
王難提波羅陶師離過中食斷過中食常一
食不夜食學時食彼於過中食淨除其心大
王難提波羅陶師盡形壽手離鏵鍬不自掘
地亦不教他若水岸崩土及鼠場土取用作
器舉著一面語買者言汝等若有豌豆稻麥
大小麻豆脾豆芥子寫已持器去隨意所欲
大王難提波羅陶師盡形壽供侍父母父母
無目唯仰於是故供侍大王我憶昔時依

鞞婆陵耆村邑遊行大王我今時平日著衣
持鉢入鞞婆陵耆村邑乞食次第乞食往到
難提波羅陶師家今時難提波羅為小事故
出行不在大王我問難提波羅陶師父母曰
長老陶師今在何處彼答我曰世尊侍者為
小事故暫出不在善逝侍者為小事故暫出
不在世尊籬中有麥飯釜中有豆羹唯願世
尊為慈愍故隨意自取大王我便受鬻單曰
法即於籬釜中取羹飯而去難提波羅陶師
於後還家見籬中飯少釜中羹減白父母曰
誰取羹飯父母答曰賢子今日迦葉如來無
所著等正覺至此乞食彼於籬釜中取羹飯

去難提波羅陶師聞已便作是念我有善利
有大功德迦葉如來無所著等正覺於我家
中隨意自在彼以此歡喜結跏趺坐息心靜
嘿至于七日於十五日中而得歡樂其家父
母於七日中亦得歡樂復次大王我憶昔時
依鞞婆陵耆村邑遊行大王我亦時平旦著
衣持鉢入鞞婆陵耆村邑乞食次第乞食往
到難提波羅陶師家亦時難提波羅為小事
故出行不在大王我問難提波羅陶師父母
曰長老陶師今在何處彼荅我曰世尊侍者
為小事故暫出不在善逝侍者為小事故暫
出不在世尊大釜中有粳米飯小釜中有羹

唯願世尊爲慈愍故隨意自取大王我便受
鬱單曰法即於大小釜中取羹飯去難提彼
羅陶師於後還家見大釜中飯少小釜中羹
減白父母曰誰大釜中取飯小釜中取羹父
母荅曰賢子今日迦葉如來無所著等正覺
至問乞食彼於大小釜中取羹飯去難提彼
羅陶師聞已便作是念我有善利有大功德
迦葉如來無所著等正覺於我家中隨意自
在彼以此歡喜結跏趺坐息心靜默至于七
日於十五日中而得歡樂其家父母於七日
中亦得歡樂復次大王我憶昔時依鞞婆陵
耆村邑而受夏坐大王我今時新作屋未覆

難提波羅陶師故陶屋新覆大王我告瞻侍
比丘曰汝等可去壞難提波羅陶師故陶屋
持來覆我屋瞻侍比丘即受我教便去往至
難提波羅陶師家挽壞故陶屋作束持來用
覆我屋難提波羅陶師父母聞壞故陶屋聞
已問曰誰壞難提波羅故陶屋耶比丘荅曰
長老我等是迦葉如來（來）無所著等正覺瞻侍
比丘挽壞難提波羅陶師故陶屋作束用覆
迦葉如來無所著等正覺屋難提波羅父母
語曰諸賢隨意持去無有制者難提波羅陶
師於後還家見挽壞故陶屋白父母曰誰挽
壞我故陶屋耶父母荅曰賢子今日迦葉如

來無所著等正覺瞻侍比丘挽壞故闔屋作
束持去用覆迦葉如來無所著等正覺屋難
提波羅陶師聞已便作是念我有善利有大
功德迦葉如來無所著等正覺於我家中隨
意自在彼以此歡喜結跏趺坐息心靜嘿至
于七日於十五日中而得歡樂其家父母於
七日中亦得歡樂大王難提波羅陶師故陶
屋竟夏四月都不患漏所以者何蒙佛威神
故大王難提波羅陶師無有不忍無有不欲
心無憂感迦葉如來無所著等正覺於我家
中隨意自在大王汝有不忍汝有不欲心大
憂感迦葉如來無所著等正覺不受我請於

此波羅捺而受夏坐及比丘衆於是迦葉如
來無所著等正覺爲頻鞞王說法勸發渴仰
成就歡喜無量方便爲彼說法勸發渴仰成
就歡喜已從坐起去時頻鞞王於迦葉如來
無所著等正覺去後不久便勅侍者汝等可
以五百乘車載滿白粳米王之所食種種諸
味載至難提波羅陶師家而語之曰難提波
羅此五百乘車載滿白粳米王之所食種種
諸味頻鞞王送來餉汝爲慈愍故汝今當受
時彼侍者受王教已以五百乘車載滿白粳
米王之所食種種諸味送詣難提波羅陶師
家到已語曰難提波羅陶師此五百乘車載

滿白粳米王之所食種種諸味頻鞞王送來
餉汝爲慈愍故汝今當受於是難提波羅陶
師辭讓不受語侍者曰諸賢頻鞞王家國大
事多費用處廣我知如此以故不受佛告阿
難於意云何尔時童子優多羅者汝謂異人
耶莫作斯念當知即是我也阿難我於尔時
爲自饒益亦饒益他饒益多人慈傷世間爲
天爲人求義及饒益求安隱快樂尔時說法
不至究竟不究竟白淨不究竟梵行不究竟
梵行訖尔時不離生老病死啼哭憂感亦未
能得脫一切苦阿難我今出世如來無所著
等正覺明行成爲善逝世間解無上士道法

御天人師号佛衆祐我今自饒益亦饒益他
饒益多人愍傷世間爲天爲人求義及饒益
求安隱快樂我今說法得至究竟究竟白淨
究竟梵行究竟梵行訖我今已離生老病死
啼哭憂感我今已得脫一切苦佛說如是尊
者阿難及諸比丘聞佛所說歡喜奉行

鞞婆麗陵耆經第六竟

中阿含王相應品天使經第七

初一日誦

我聞如是是一時佛遊舍衛國在勝林給孤獨
園尔時世尊告諸比丘我以淨天眼出過於
人見此衆生死時生時好色惡色或妙不妙
往來善處及不善處隨此衆生之所作業見

其如真若此衆生成就身惡行口意惡行誹
謗聖人邪見成就邪見業彼因緣此身壞命
終必至惡處生地獄中若此衆生成就身妙
行口意妙行不誹謗聖人正見成就正見業
彼因緣此身壞命終必昇善處乃生天上猶
大雨時水上之泡或生或滅若有目人住一
處觀土時滅時我亦如是以淨天眼出過於
人見此衆生死時生時好色惡色或妙不妙
往來善處及不善處隨此衆生之所作業見
其如真若此衆生成就身惡行口意惡行誹
謗聖人邪見成就邪見業彼因緣此身壞命
終必至惡處生地獄中若此衆生成就身妙

行口意妙行不誹謗聖人正見成就正見業
彼因緣此身壞命終必昇善處及生天上猶
大雨時雨墮之滴或上或下若有目人住一
處觀上時下時我亦如是以淨天眼出過於
人見此衆生死時生時好色惡色或妙不妙
往來善處及不善處隨此衆生之所作業見
其如真若此衆生成就身惡行口意惡行誹
謗聖人邪見成就邪見業彼因緣此身壞命
終必至惡處生地獄中若此衆生成就身妙
行口意妙行不誹謗聖人正見成就正見業
彼因緣此身壞命終必昇善處乃至天上猶
琉璃珠清淨自然生無瑕穢八楞善治貫以

妙繩或青或黃或赤黑白若有目人住一處
觀此琉璃珠清淨自然生無瑕穢八楞善治
貫以妙繩或青或黃或赤黑白我亦如是以
淨天眼出過於人見此衆生死時生時好色
惡色或妙不妙往來善處及不善處隨此衆
生之所作業見其如真若此衆生成就身惡
行口意惡行誹謗聖人邪見成就邪見業彼
因緣此身壞命終必至惡處生地獄中若此
衆生成就身妙行口意妙行不誹謗聖人正
見成就正見業彼因緣此身壞命終必昇善
處乃至天上猶如兩屋共一門多人出入若
有目人住一處觀出時入時我亦如是以淨

天眼出過於人見此衆生死時生時好色惡色或妙不妙往來善處及不善處隨此衆生之所作業見其如真若此衆生成就身惡行口意惡行誑謗聖人邪見成就邪見業彼因緣此身壞命終必至惡處生地獄中若此衆生成就身妙行口意妙行不誑謗聖人正見成就正見業彼因緣此身壞命終必昇善處乃生天上若有目人住高樓上觀於下人往來周旋坐卧走踊我亦如是以淨天眼出過於人見此衆生死時生時好色惡色或妙不妙往來善處及不善處隨此衆生之所作業見其如真若此衆生成就身惡行口意惡行

誹謗聖人邪見成就邪見業彼因緣此身壞
命終必至惡處生地獄中若此衆生成就身
妙行口意妙行不誹謗聖人正見成就正見
業彼因緣此身壞命終必昇善處乃生天上
若有衆生生於人間不孝父母不知尊敬沙
門梵志不行如實不作福業不畏後世罪彼
因緣此身壞命終生閻王境界閻王人收送
誦王所白曰天王此衆生本爲人時不孝父
母不知尊敬沙門梵志不行如實不作福業
不畏後世罪唯願天王處當其罪於是閻王
以初天使善問善檢善教善訶汝頗曾見初
天使來耶彼人荅曰不見也天王閻王復問

汝本不見一村邑中或男或女幼小嬰孩身
弱柔軟仰向自卧大小便中不能語父母父
母抱移離不淨處澡浴其身令得淨潔彼人
荅曰見也天王閻王復問汝於其後有識知
時何不作是念我自生法不離於生我應
行妙身口意業彼人白曰天王我了敗壞長
衰永失耶閻王告曰汝了敗壞長衰永失今
當考汝如治放逸行放逸人汝此惡業非父
母為非王非天亦非沙門梵志所為汝本自
作惡不善業是故汝今必當受報閻王以此
初天使善問善檢善教善訶已復以第二天
使善問善檢善教善訶汝頗曾見第二天使

來耶彼人荅曰不見也天王閻王復問汝本
不見一村邑中或男或女年耆極老壽過苦
極命垂欲訖齒落頭白身曲僂步拄杖而行
身體戰動耶彼人荅曰見也天王閻王復問
汝於其後有識知時何不作是念我自有老
法不離於老我應行妙身口意業彼人白曰
天王我了敗壞長衰永失耶閻王告曰汝了
敗壞長衰永失今當考汝如治放逸行放逸
人汝此惡業非父母為非王非天亦非沙門
梵志所為汝本自作惡不善業是故汝今必
當受報閻王以此第二天使善問善檢善教
善訶已復以第三天使善問善檢善教善訶

汝頗曾見第三天使來耶彼人荅曰不見也
天王閻王復問汝本不見一村邑中或男或
女疾病困篤或坐卧牀或坐卧楡或坐卧地
身生極苦甚重苦不可愛念令促命耶彼人
荅曰見也天王閻王復問汝於其後有識知
時何不作是念我自有病法不離於病我應
行妙身口意業彼人白曰天王我了敗壞長
衰永失耶閻王告曰汝了敗壞長衰永失今
當考汝如治放逸行放逸人汝此惡業非父
母爲非王非天亦非沙門梵志所爲汝本自
作惡不善業是故汝今必當受報閻王以此
第三天使善問善檢善教善訶已復以第四

天使善問善檢善教善訶汝頗曾見第四天
使來耶彼人荅曰不見也天王閻王復問汝
本不見一村邑中或男或女若死亡時或一
二日至六七日烏鷄所啄豺狼所食或以火
燒或埋地中或爛腐壞耶彼人荅曰見也天
王閻王復問汝於其後有識知時何不作是

念我自有的死汝不離於死我應行妙身口意
業彼人白曰天王我了敗壞長衰永失耶閻
王告曰汝了敗壞長衰永失今當考汝如治
放逸行放逸人汝此惡業非父母為非王非
天亦非沙門梵志所為汝本自作惡不善業
是故汝今必當受報閻王以此第四天使善

問善檢善教善訶已復以第五天使善問善
檢善教善訶汝頗曾見第五天使來耶彼人
荅曰不見也天王閻王復問汝本不見王人
捉犯罪人種種考治截手截足或截手足截
耳截鼻或截耳鼻或鬻割拔鬚拔髮或拔鬚
髮或著檻中衣裹火燒或以沙壅草纏火熯
或著鐵驢腹中或著鐵猪口中或置鐵虎口
中燒或安銅釜中或著鐵釜中煮或段段截
或利叉刺或以鈎鈎或卧鐵牀以沸油燒或
坐鐵臼以鐵杵擣或以龍蛇蝥或以鞭鞭或
以杖撻或以棒打或生貫高標上或梟其首
耶彼人荅曰見也天王閻王復問汝於其後

有識知時何不作是念我今現見惡不善法
彼人白曰天王我了敗壞長衰永失耶閻王
告曰汝了敗壞長衰永失今當考汝如治放
逸行放逸人汝此惡業非父母為非王非天
亦非沙門梵志所為汝本自作惡不善業是
故汝今必當受報閻王以此第五天使善問
善檢善教善訶已即付獄卒獄卒便捉持著
四門大地獄中於是頌曰

四柱有四門

辟方十二楞

以鐵為垣墻

其上鐵覆蓋

地獄內鐵地

熾然鐵火布

深無量由延

乃至地底任

極惡不可受

火色難可視

見已身毛豎

恐懼怖甚苦

彼墮生地獄

脚上頭在下

誹謗諸聖人

調御善清善

有時於後極大久遠爲彼衆生故四門大地
獄東門便開東門開已彼衆生等走來趣向
欲求安處求所歸依彼若集聚無量百千已
地獄東門便還自閉彼於其中受極重苦啼
哭喚呼心悶卧地終不得死要令彼惡不善
業盡極大久遠南門西門北門復開北門開
已彼衆生等走來趣向欲求安處求所歸依
彼若集聚無量百千已地獄北門復還自閉
彼於其中受極重苦啼哭喚呼心悶卧地終
不得死要令彼惡不善業盡復於後時極大

久遠彼衆生等從四門大地獄出四門大地
獄次生峯巖地獄火滿其中無烟無燠令行
其上往來周旋彼之兩足皮肉及血下足則
盡舉足則生還復如故治彼如是無量百千
歲受極重苦終不得死要令彼惡不善業盡
復於後時極大久遠彼衆生等從峯巖大地
獄出峯巖大地獄次生糞屎大地獄滿中糞
屎深無量百丈彼衆生等盡墮其中彼糞屎
大地獄口生衆多虫虫名凌瞿來身白頭黑
其觜如針此虫鑽破彼衆生足破彼足已復
破膊腸骨破膊腸骨已復破髀骨破髀骨已
復破臑骨破臑骨已復破脊骨破脊骨已復

破肩骨頸骨頭骨破頭骨已食頭腦盡彼衆
生等如是逼迫無量百千歲受極重苦終不
得死要令彼惡不善業盡復於後時極大久
遠彼衆生等從糞屎大地獄出糞屎大地獄
次生鐵鑊林大地獄彼衆生見已起清涼想
便作是念我等往彼快得清涼彼衆生等走
往趣向欲求安處求所歸依彼若衆聚無量
百千已便入鐵鑊林大地獄中彼鐵鑊林大
地獄中四方則有大熱風來熱風來已鐵鑊
便落鐵鑊落時截手截足或截手足截耳截
鼻或截耳鼻及餘支節截身血塗無量百千
歲受極重苦終不得死要令彼惡不善業盡

復次彼鐵鑠林大地獄中生極大狗牙齒極
長擘彼衆生從足剥皮至項便食從項剥皮
至足便食彼衆生等如是逼迫無量百千歲
受極重苦終不得死要令彼惡不善業盡復
次彼鐵鑠林大地獄中生大烏鳥兩頭鐵喙
任衆生額生挑眼吞啄破頭骨取腦而食彼
衆生等如是逼迫無量百千歲受極重苦終
不得死要令彼惡不善業盡復於後時極大
久遠彼衆生等從鐵鑠林大地獄出鐵鑠林
大地獄次生鐵劒樹林大地獄彼大劒樹高
一由延刺長尺六令彼衆生使緣上下彼上
樹時刺便下向若下樹時刺便上向彼劒樹

刺貫刺衆生刺手刺足或刺手足刺耳刺鼻
或刺耳鼻及餘支節刺身血塗無量百千歲
受極重苦終不得死要令彼惡不善業盡復
於後時極大久遠彼衆生等從鐵劔樹林大
地獄出鐵劔樹林大地獄次生灰河兩岸極
高周遍生刺沸灰湯滿其中極闇彼衆生見
已起冷水想常有冷水彼起想已便作是念
我等往彼於中洗浴恣意飽飲快得涼樂彼
衆生等競走趣向入於其中欲求樂處求所
歸依彼若集聚無量百千已便墮灰河墮灰
河已順流逆流或順逆流彼衆生等順流逆
流順逆流時皮熟墮落肉熟墮落或皮肉熟

俱時墮落唯骨體在灰河兩岸有地獄卒手
捉刁劔大棒鐵叉彼衆生等欲度上岸彼時
獄卒還推著中復次灰河兩岸有地獄卒手
捉鈎銜鈎挽衆生從灰河出著熱鐵地洞然
俱熾舉彼衆生極撲著地在地旋轉而問之
曰汝從何來此衆生等僉共荅曰我等不知
所從來處但此等今唯患大饑彼地獄卒便
捉衆生著熱鐵牀洞燃俱熾強令坐上以熱
鐵鉗鉗開其口以熱鐵丸洞燃俱熾著其口
中彼熱鐵丸燒脣已燒舌已燒腭
燒腭已燒咽燒咽已燒心已燒大腸燒
大腸已燒小腸燒小腸已燒胃燒胃已從身

下過彼如是逼迫無量百千歲受極重苦終
不得死要令彼惡不善業盡復次彼地獄卒
問衆生日汝欲何去衆生答曰我等不知欲
何所去但患大渴彼地獄卒便捉衆生著熱
鐵林洞燃俱熾強令坐上以熱鐵鉗鉗開其
口以沸洋銅灌其口中彼沸洋銅燒唇燒脣
已燒舌燒舌已燒腭燒腭已燒咽燒咽已燒
心燒心已燒大腸燒大腸已燒小腸燒小腸
已燒胃燒胃已從身下過彼如是逼迫無量
百千歲受極重苦終不得死要令彼惡不善
業盡若彼衆生地獄惡不善業不悉盡不一切
盡盡無餘者彼衆生等復墮灰河中復上下

鐵劍樹林大地獄復入鐵鏢林大地獄復墮
糞屎大地獄復往來峯巖大地獄復入四門
大地獄中若彼衆生地獄惡不善業悉盡一
切盡盡無餘者彼於其後或入畜生或墮餓
鬼或生天中若彼衆生本爲人時不孝父母
不知尊敬沙門梵志不行如實不作福業不

長後世罪彼受如是不愛不念不喜苦報譬
猶若彼地獄之中若彼衆生本爲人時孝順
父母知尊敬沙門梵志行如實事作福德業
畏後世罪彼受如是可愛可念可喜樂報猶
虛空神宮殿之中昔者閻王在園觀中而作
是願我此命終生於人中若有族姓極大富

樂資財無量畜牧產業不可稱計封戶食邑
種種具足彼爲云何謂利利大長者族梵志
大長者族居士大長者族若更有如是族極
大富樂資財無量畜牧產業不可稱計封戶
食邑種種具足生如是家生已覺根成就如
來所說正法之律願得清信已剃除
鬚髮著袈裟衣至信捨家無家學道族姓子
所爲剃除鬚髮著袈裟衣至信捨家無家學
道者唯無上梵行訖於現法中自知自覺自
作證成就遊生已盡梵行已立所作已辦不
更受有知如真昔者閻王在園觀中而作是
願於是頌曰

為天使所訶

人故放逸者

長夜則憂懣

謂弊欲所覆

為天使所訶

真實有上人

終不復放逸

善說妙聖法

見受使恐怖

求願生老盡

無受滅無餘

便為生老訖

彼到安隱樂

現法得滅度

度一切恐怖

亦度世間流

佛說如是彼諸比丘聞佛所說歡喜奉行

天使經第七竟

初一日誦訖

中阿含經卷第十二

畜下或作牧音目放收也養也作叔非也

陶師上音挑燒瓦

風 蛄

虫上音昆微細 恬良伺反

麁下正作 獿獿俱

池

斛 胡谷反 十 禾音道 華 或下莫班反 娼 音

昌 正作倡 樂 也 鏵 上音華 頭 也 掘 地其上

鼠 下音商 碗 也 豆 官上烏 脾 豆作上布迷 芥 反

芥 同二 禿 頭上 無 髮也 調 戲上 羅 捺反 水 上音

洗 斟酌 針 上音 牀 褥 蓐 上音 晃 明也 澡 水 籬 音

釜 下上音 羅 竹器也 挽 音 餉 食日 饋 音 滄 音

瑕 痕病也 穢 也 八 下 楞 也 又 方也 踊

音 勇 嬰 孩 一 盈反 躄 身 力 主反 背 也 揄

塔 音 烏 鷄 一 尺脂反 啄 音 犴 音 狼 音 紫 下

也 野 狗 爛腐 上 音 郎 旦反 下 也 鬻 割 上 力 卷 也 拔 音

反 也 檻 胡減 也 反 壅 紆勇反 火 炳 也 下 與 雪 同 反 燒 也

刺 亦下 反七 鉤 曲古 針候 反曰 音 杵 擣 上尺 反 螭

螭 音 哲 蟲 行 毒 也 杖 擗 反 下 擊 也 瓜 高 標 下 音 島 反 必 鼻

古 堯 反 倒 辟 方 亦上 反必 垣 墻 四 上 音 園 一 音 九 峰

巖 反 上 與 峯 同 下 嶮 也 愚 銜 凌 瞿 陵 上 音 隳 背 字 下 鑽

子 官 髀 蒲 禮 反 骨 臄 坤 寬 二 音 脊 音 跡 逼 迫 上 彼

力 反 下 鐵 鏃 鐵 下 音 薄 也 擘 音 覽 取 也 剥 必 角

及 喙 兄 穢 反 鳥 也 額 吾 客 挑 眼 上 土 反 助

也 啄 破 卓 上 音 咽 音 煙 刺 長 賜 反 七 貫 刺 下 亦 反 七 還

推 下 土 反 鉤 銜 犬 下 正 作 胃 俱 撲 反 蒲 角 僉 七 廉 反

錯 巨 兼 反 持 鐵 夾 膠 齧 吾 各 反 口 上 腭 咸 也 廉 反 謂

弊 毗 祭 反 惡 也 網 系 也 撲 反 蒲 角 僉 七 廉 反 謂

中阿含經十二卷

風

